

Nafarroako Gobernuak José María Zabala Martínez enpresariari eman dio 2019ko “Francisco de Javier” saria

Europa osoan laguntzen, diru-laguntzen eta I+G proiektuen kudeaketa integrala eskaintzen duen “Zabala Innovation Consulting” aholkularitzaren sortzailea eta zuzendaria da

Asteazkena, 2020ko Urtarrilaren 15a

Nafarroako Gobernuak 2019ko “Francisco de Javier” saria José María Zabala Martínez enpresariari emateko foru-dekretua onartu du, gaurko bileran. Europa osoan laguntzen, diru-laguntzen eta I+G proiektuen kudeaketa integrala eskaintzen duen “Zabala Innovation Consulting” aholkularitzaren sortzailea eta zuzendaria da.

Gobernuak azpimarratu du Zabalak “berrikuntza sustatzen duten enpresa-balioak hartzen dituela jardueraren ardaztat, XXI. mendean lankidetza nagusituko dela aintzat hartuta”.

José María Zabala

José María Zabala Martínezek (Oteiza, 1947) Ingeniaritza Kimikoko ikasketak (1973), eta Natur Zientzia Aplikatuetan doktoregoa (1976) egin zituen Lovainako Unibertsitatean (Belgika).

1986an, “Zabala Innovation Consulting” enpresa sortu zuen, eta Nafarroan egoitza badu ere, bulegoak ditu Espainiako beste probintzietan, Europan eta Latinoamerikan. 240 profesional eta bezerotzat 8.000 erakunde baino gehiago ditu mundu osoan.

Europan, esparru desberdinetan ikerketa eta berrikuntza-proiektuak finantzatzen dituen Horizon 2020 programarako 500 proiektu baino gehiago zuzendu ditu.

Bezeroak eta kolaboratzaileak ditu herrialde hauetan: Mexiko, Turkia, Txekiar Errepublika, Polonia, Errumania, Portugal, India, Argentina, Bolivia, Brasil, Kanada, Txile, Txina, Ameriketako Estatu Batuak, Israel, Austria, Alemania, Peru, Bulgaria, Holanda eta Italia.

“Francisco de Javier” Saria

Nafarroako Gobernuak 2009an sortu zuen foru-erkidegotik kanpo jarduten duten pertsonak, entitateak eta erakundeak aitortzeko “Francisco de Javier” saria; hain zuzen ere, gizartearen aurrerapena, ongizatea eta hobekuntza bultzatzen dituen foru-erkidegoaren irudia sustatzen dutelako.

Aurreko edizioetan, sarituak izan dira Lizarrako Pablo Hermoso de Mendoza (2009), Pedro Ábrego sukaldari lleidarra, Ignacio Zoco (futbolaria) eta María Ostiz (abeslaria) senar-emazteak (2011) eta Salvador Estébanez Nafarroako Gobernuaren ordezkari-ohia Madrilen, karguaren amaieraraino (2012).

Halaber, sarituen artean egon dira Lizarrako Javier Urra psikologoa, (2013), Manuel Hidalgo idazlea (2014), Montxo Armendáriz zinema-zuzendaria (2015), Azagrako Juan Miguel Sola sukaldaria (2016), Pedro Iturralde saxofonista eta musikagilea (2017) eta Lizarrako Adolfo Eraso Romero kimikari, geologo eta glaziologoa.

 José María Zabala, premio Francisco de Javier